

養默山房詩藁

養默山房詩藁卷八

松滋 謝元淮 默卿

丁丑

述哀

啞啞枝上烏哀鳴非苦飢恩情切反哺中道傷乖離
嗟我父母恩隱念摧肝脾涓埃未及報忽焉與世辭
永懷皋魚慟載興蓼莪悲仰視天夢夢此生復何依

二

往昔壬戌歲辭家從父遊乘舟下吳越走馬入燕幽

縱觀極南北慷慨氣爲適仰慕賢豪貴爰作祿養謀
我父舍我去徒步歸林邛我母日夕望倚閭增繁憂
不才世所棄兩載空淹留

三

浮萍無定根飄蕩須托水車輪無定途輾轉終依軌
遊子寄他鄉乃心懸閭里我昔滯吳下卑官曾未恥
獨念高堂親晨昏缺甘旨流宕不歸來有生慙葛藟

四

邊儲資轉餉行役赴牂牁五月道公安舍騎暫還家
夜半扣荆扉舉室歡相譁阿母臥亦起勞我勤風沙

汝父昨日去迎汝驅兩騮汝何未之遇母乃道中差
吾病苦慙纏今夕覺小嘉悲我將速去憐我遇坎軻
問答天欲曙月落參橫斜

五

烏西蟾蜍東于役忘近遠秋風吹葛寒行子忽已返
雙親久相盼一見憂心遣是冬兄亦歸團聚傷晚晚
吁嗟父母心海水何深淺海水深復深愁殺朝露泣

六

滔滔江上水泛泛水中船送我東南去旣去何時還
延陵吳北境丞尉衆所廉薄俸安足稱況乃迎養艱

亦有蘭陵酒封鮓垂清巖白雲不可望空陟岵岵巔

七

美遊不如歸薄宦不如農九月辭吳郡還家已仲冬
藝禾南山下其上種以松松長禾亦熟澗水流淙淙
持作雙親飯愉悅生慈躬庭闈有至樂何事逐旋蓬

八

東鄰有老翁八十猶精爽雖復多子孫未聞資孝養
昨暮負薪歸今晨荷鋤往汲汲何所營長思田園廣
西日隤夕光吾心爲悵惘

九

西鄰有孤兒衣褐行苦悲失恃在襁褓鞠育慈母懷
十三就外傳十四心猶孩十五學干祿十六遊京師
趑趄鮮所遇飄零仍歸來衣食賴慈母終夜秉杼機
謂言後當貴奉養自有時何知霜露早護草凋以萎
萬古暝長夜無從報春暉

十

一月不再朔昨日成古時念我高堂親昔昔減容輝
及茲勤奉侍隙駒難重回豈不思祿養重與親庭違
往聞負米賢百里常來歸

十一

五載躬稼穡中心懷喜懼常恐愛日忱無補桑榆暮
況當遠別離迢迢江南路其日烏亂啼庭草晞朝露
上堂拜阿母淚下不能住送我出門前皂莢垂綠樹
欲語愁不祥吞聲行屢顧汝出與父偕予心復何慮
願汝前程吉及早相迎去骨肉苟終完富貴非所慕

十二

骨肉惜乖違江海限離別哀哉古聖人乃爲造舟筏
吳楚豈不遠片帆忽飛越阿父雖同行痛與慈親訣
就日欣在晨匪夕恆思月安得雙板輿白華詠芳潔

十三

老鳳將孤雛聯翩至吳越孤雛棲枳棘鳳乃還
秋風生早涼河水流嗚咽父衰子賤貧慘惻難爲別
一上鳳凰橋瞻望吳城闕欲言意苦紛舟子催速發
解纜風正吹船尾出復沒遙見白髮人我揮蒲箑
傷哉父子恩千古此決絕

十四

江漢足波瀾客子懷艱虞首春翔候雁喜得鄂城書
上言舟楫速破浪追驚鳧流覽風物異九月歸田廬
下言慈母病腹疾傷河魚珍養代藥餌沈疴今已祛
沈疴豈眞祛盡室方紛拏欲安遊子意謬語甘自誣

十五

白日慘清輝庭柯下飛鵬靈椿一夕殞終古傷榮獨
孟秋朔五日天氣尙炎毒綿惓當茲辰彌留屢扈復
華子未得歸遠隔胥江曲骨肉一乖違悲歡異歌哭
痛定疑非眞素書宛在目九原不可從嘔血徒立鵠

十六

熙朝溥仁孝煢子蒙哀矜奈何刀筆吏文法巧相繩
望雲歸未得血淚已成冰歸期旣屢易企望傷慈親
忽忽歲云暮恩恩辭吳闕悠悠溯江漢迢迢悲前津
望望來時路杳杳蹤跡陳滔滔此江水寂寂獨傷神

十七

皇帝十一載歲在丙寅春阿父念我單趣裝來白門
白門多楊柳依依垂江津入城日方中出城天已昏
帆檣列千艇號呼如不聞孤身逆旅拒野曠風紛紛
攀條上高柳葉底聊冥蹲荒雞聞遠唱初日扶桑暎
下視纜船處乃在茲樹根金陵悲再渡遙望涕沾巾
歷歷傷心樹何樹棲吾親朔風亂鳴條夜色慘連村

十八

驚流無恬波歸鳥無倦翮暮冬去吳閶冉冉春風易
郢都前在望虎渡日已夕雨雪何紛紛路入前村白

夜深泥淖堅履險愁顛踣凍月露青林松竹起寒色
扣扉鳥驚啼入門燈慘碧生死兩經年天地成否塞
誰知喘生餘重此邁艱尾

十九

齧指心知痛齧桃李並僵喬木旣傾折萱草隨凋傷
初秋及冬仲一歲罹兩喪雙棺峙左右號泣哀中堂
生兒不送死莫如生早殤踣跼斯高厚萬古悲茫茫

二十

寒女機中布羔羊海上皮念母身羸弱成此禦冬衣
嚴父傷旣沒奉養獨慈帷奈何孤雲散飄風復相吹

聞母當大漸日夜望我歸淚枯目長炯重門洞雙扉
見影苦追問冀是游子回母死兒不聞兒歸母不知
黃泉有去日此恨無已時

二十一

嗟予少薄祜襁褓恆多疾一聞日者言累母終夜泣
道我壽命慳生年靳六十百歲世已罕遙遙遑自恤
生子甫能啼已爲憂家室如何恣遠遊生死永相隔
落落鄉里親轉賴扶持力有子莫如無徒使憂心棘

二十二

瓜瓢戀其子子不戀瓜瓢流傳自古諺物性足感傷

昔我謀遠出慈母淚縱橫多病成衰老去日若朝霜
殘年畏離別觸念已惶惶待我歸泉後恣汝遨四方
於時迫嚴命將母竟不遑遺言空在耳日月同潛光
憂來不可輟慘惻摧中腸

二十三

古以藏爲葬墓地屬冢人景純源青烏形氣始葬經
木流重禍福紛紛亂人聽蟻泉患苟免何計賤與貧
溪西有佳壤二里渡河濱隆然起平野兩山高嶙峋
曲澗匯衆流灣環遠彌親龜著旣咸吉兆域符天星
星術何足貴貴用安先靈

二十四

匍匐歸何及痛哭惟撫棺一朝卽窀穸萬古長漫漫
炎蒸鬱首夏宵月向晨圓雙轎渡溪水嗚咽悲幽泉
親串走會葬負土營荒阡南山豈不固有時淪爲淵
獨有父母恩耿耿傷終天

二十五

生死道雖殊野處同孤寂何以慰親靈結廬廬墓側
暑雨暗昏林荒月淒野色熒熒哀思殷漠漠泉路黑
願得精誠通母使傷幽闕

二十六

莽莽北邙山衰草萋又綠哀哀泉下人荒墳誰無牧
吾親昔來過瞻之傷遊目心知百年後不免兒孫哭
死亡誰不有所悲情願速感彼蟋蟀吟韶華何局促

二十七

兄弟爲手足骨肉同一身長條鮮交讓荆樹遂乖分
歸來守故宅掩淚潛悲辛隱隱虛堂上遺形彷彿存
馳情憶夙昔苦語畏重聞孤筇易爲折一腋難獨溫
卻憐衝浦雁蒼蒼惜其羣

二十八

神仙皆有死玉棺召王喬上古諸仙人間者今寥寥

況我非金石草木同枯凋生既無所補死亦輕鴻毛
獨念鞠育恩展轉不能消精衛志填海豈憚木石勞
哀蟬自鳴秋焉知秋風高苦心何足惜遺響悲蕭條
二十九
躑躅復躑躅步入西山隈驚禽散四野大壑悲風來
極望窮遠目浮雲霧不開舉首叫天閭莽蒼飛塵埃
悠悠不可報莫挽流光隕

程子山過明道先生講學處

嶙峋石徑遠躋攀草色遙憐翠一灣每對清風懷洛

下嘗聞喬木美牛山

舊名犀牛山古木陰翳後遭斫
伐齊叢滿山近因禁墾又復青

翠可南來大道渾難繼東去噴波竟不還咫尺晦翁

觀矣遺躅在千秋名重兩峯間

文公山在西南數里外朱考亭講學處也

雙鯉將子行

薰風吹陂陂水清雙鯉將子陂中行大者寸餘小者寸穿波細尾何鱗鱗顧盼雄雌各有意相將愛護衝青蘋嚙嚙田閒蛙有目常如恚鯢鯢初在藻往往遭吞嗜物類相殘何足云鯉兮鯉兮知所備村北老叟陂邊來舉頭見鯉顏爲開以鉤貫蛙蛙轉怒持竿釣水相追隨一鯉昂然忿一鯉冥然猜小魚奔竄逃生急雙鯉浮沒重徘徊救子情深偶一噉竿頭跋刺張

鬻鯽一誤再誤空波渺母旣遭烹子焉保無依自今
餌窮魚漫泳何堪逢涸沼薄暮老叟攜魚歸揮刀作
膾膾羹肥呼婦共酌兒分杯焉知戀子枯魚哀嗚呼
焉知戀子枯魚哀

重九日登雲臺山

巉巖蒼翠聳晴空山勢南來此最雄高嶺看雲疑在
下小溪流水盡歸東燒香曲唱重巒外蒲博聲喧一
夜中

山嶺廟祀眞武每歲九日湖南北燒香者萬餘人前一夕四鄉博徒聚此縱賭

獨我棲

遲懷寂寞枉教籬菊綻西風

噓嚨曉日露華侵絕頂人來祇樹林撲地朝烟迷望

眼漫山落葉亂秋心
蘭凋澧浦無遺佩
雁去衡陽有遠音
塋墓漸荒松柏冷
嶺頭空悵白雲深

盤谷山祖墓在山前

戊寅

訪田淮川秀才

用霖

歸後卻寄

有媯承虞祀敬仲育齊姜
十世和錫命七國威始王
公族旣繁衍子弟咸稱強
巴駢逞辨囿文單奮戎行
富民一悟漢魏博世藩唐奕
世仰閭閻代作邦家光
淮川今時彥襟抱慨以慷
弱冠富文史芹擷泮水香
壯心紹遠烈脫屣輕名場
兄弟四五人一一瑩珪璋
紀謚皆絕俗白眉稱最良
讌客屢投轄排紛時解

聲名播閭里義氣凌風霜嗟我勞塵瑱浮蹤徧殊方
廿載思魏闕十年寄金閭卑官衆所鄙繫驥難騰驥
往歲值屯邇風木潛悲傷疊罹椿護隕重廢蓼莪章
此身應夔屈何事復徬徨春風二三月桃李齊芬芳
翠鋪麥隴秀金散菜花黃有客相過問鈴轡聲鏘鏘

徐正懷佩
琳兩姻丈

道君才磊落偕我升君堂君家方高會朋

好集冠裳投刺通郭泰倒屣來中郎下榻因徐穉授
簡推謝莊意趣微契合形迹遂相忘高談留信宿豪
飲飛千觴令子眞雛鳳振采鳴朝陽九苞行豐滿萬
仞足翱翔奈何戢健翮轉欲隨鷺鷥玉樹森瓊階兼

蔭慙蒼蒼固知君意厚撫躬增恐惶時俗競聲利貴
賤分否臧憐錢癖同祖爲我道師楊古誼君獨敦隕
波力爲障寬恕僮僕謹沖謙禮節詳邱壑差自勝澹
遠臻羲皇傾蓋已心醉况復話言長我久遨江海落
拓呼楚狂遊俠慕燕趙風土懷荆襄頻年靡定所客
路成故鄉故鄉多英賢晉接轡未遑砮砮求他山和
璧遺道傍伊昨承清度翩然眷梓桑會心那在遠吟
嘯卽濠梁蓬蓬千蕭艾不若一簣簣飛飛枋榆鶯焉
睹阿閣鳳人生貴知己金石同堅剛相期崇令德濯
纓詠滄浪

詠懷二十首

編次千字文

子房帝者師攝履佐沛公滅秦復定楚畫策出帷中
信布皆建國邑辭萬戶封寵祿誠匪慕乃願從赤松
鳥盡獸宰烹謙退克有終

古皇恭登禪玉牒銘岱嶽呂政肆荒行刻碣茂厥惡
魚載祀豫斬壁奏氣蚤索嫡嗣鑒恬軍斯高矯攸作
慮疏殆天亡事幾毛髮若

孝武好神仙露盤雲表摩少君旣誅靡野一傳青羸
侈力馳廣漠漢業竟如何晚蓋躬善改疲弊亦已多
商飄染落葉寂寞傷秋歌

文叔營八極南陽慶龍興更始眞庸才焉足隸伯升
體翦來疑懼驤途駒超騰逐叛壹宙合再造歡黎烝
莽愚遵周禮幹璣方坐矜

巨禍惻桓靈熟思求直尺陳寔弔張讓羣賢陰受益
慈明贊御李願俊算法則虛聲敗罪羅收捕旁引逼
異哉殺止人逸命甘累德

嵇康務養生曠率鍾會辱問答兩蒙誚翳芥機深伏
調絃對短景臨市悲琴曲雅談適招刑辨給甯爲福
二阮耽竹林詠嘯隨流俗

東家弗效嘖孰以別西施麗容動世主豈謂微賤時

璇宮讌丙夜紈綺稱妍姿翠輦陪殿陛戚屬榮金枝
取婦端在貌育女抗男兒

戎士催環甲沙場誠遼兵諸將盜富貴黃衣獲被身
及其自推立誰見賊火驚驢背聞顛笑宇內治維新
寡弱易淩制惶聽白雁鳴

敦煌卽酒郡頓帳勅勒川鹹池阜塞外游牧員渠閒
飛矢操鉅黍射的洞無堅長纓致名王接轂邈連緜
遐績秉廟訓圖象史筆懸

委仕丁泰運化日曜湯

余章切

谷承祐拜宜猷帶組釋

荷服簡用陟卿尹伊傅功並績守已是臣廉充位謹

獨淑百年戚周謝邱墳踐羊犢

結交規任俠友密猶弟兄浮觴煒華燭設筵次階楹
輕唱和寶瑟侍奏吹銀笙抽劍磨崑石舉手搖星精
傲駕指并趙徘徊寓我情

嘉賓集令節門庭滿冠裳解紛最英礪果敢宜熱腸
瞻彼丹岫近嚴寒正雨霜扶牀眠安宅分席使潛藏
薄仁而弁義必也惠與莊

鷗鷄振羽儀回翔去絳霄寥空淡冥杳奄上悅逍遙

駭禽下感顙資糧號九皋礪

博禾切

絲畏縻執驅爵處

卑條靜居親物性寸心增鬱陶

貞桐知歲閏幸草鞠朝暉紫柰拱珠映枇杷似丸垂
散木繁千尋惟貽漆園譏蘭父緣據路棠愛存口碑
植根重得地毀譽因之移

羌月照藍田素霸

普耕切

澄淵朗扇暑清修廊持杯要

伊消切

翫賞樂音耳俯聆涼色目眺仰默步轉洪鈞晦

虧切寐想沈河浴垣宿樓亭意孤往

韓困飢懷飯平肥夙膳糠夏禹常晨食孔聖不舍藟
笋菜佳可飫過奉恐非當大官益烹特列珍厭殮嘗
勞新能勿省故車念頗忘

旦起欣吉辰冬紡每競夕勸飲煩形骸溫飽本緣稽

馨潔通祇敬伐鼓云祭稷臺觀納城府父母飽綏息
約束箴後昆庶平勸所職

涇渭難同倫虞號實相比利器假左右濟助姑恃此
基土欲離垢於茲具元理四海殊州縣歷迹量遠邇
巖阿睦舊盟鱗躍釣漢水

觀藝詩言志歸美書忠良輔采貢京闕民隱審察詳
杜老慎工巧矩律領盛唐習寫竭洛紙遣字成典章
入堂優魏晉威鳳竦梧岡

篤學宗孟軻達道賴讀書橫經聚槐晝且日糟魄餘
賡論黜罔說永稽義農初傾囊積墨妙巾箱等五都

壁光匡衡藉面牆恥陋夫

一柱觀 縣東二十里

邱湖形勝地古觀創臨川

劉宋臨川王義慶在鎮時於羅公洲立觀甚大而惟

一柱故名洲世已千春隔名猶一柱傳暗泉通峽水

平野散朝煙久欲攜遊屐今來且繫船

飛仙觀

傑觀臨虞渡飛仙蹟素語

宋理宗淳祐二年道士趙以清自蜀來楚隨鶴卜地

時吉國公孟忠襄爲京湖制置大使建牙松道人惟

滋鶴止其園遂捨以建觀親書額曰飛仙

史稱忠襄遠於易學兼通佛理自號無庵居士

堂構懷先

業滄桑閱舊龕

元順帝至正六年里人郭福佑重修迄於國初傾圯先曾祖於康熙五

十八年復建三清正殿又修關帝廟百年幾興廢
施田歲葺近因水漲低涇又復荒涼矣
鐘鼓聽溪南

養默山房詩藁卷九

松滋 謝元淮 默卿

守默集下

戊寅

述祖德詩二百韻

河流溯星宿若木繁靈枝本源信深遠性義隆厥基
嗟我陳郡裔遐徵繩皇義炎帝秉火德誕生姜水渥

謝出於姜神農後也任姓十族別謝章薛舒呂祝終泉畢堯庭

四岳咨唐虞時國失夏商際失國三邑營周宣時入

謝式南邦周宣王封申伯於盡楚同諸姬狂秦并六

合白晝冥無暉羸鹿爭劉頂海水駭羣飛獨阻武陵

桃同採商山芝秦漢之際有名宏者與四皓同隱商山徵拔第五卓賡

奏孟堅奇由宏公至夷吾公凡十二世漢明帝時一第五倫令班固為疏以薦累官至太傅一

為鉅鹿郡柴車標清儀夷吾公任鉅鹿太守時行春乘柴車從兩吏篤慶

擲世運卜居首會稽夷吾公家於會稽山陰為大宗始祖繡衣榮柱史

二世祖漢永元中御史中丞良牧濟鴻才三世祖居貞冀州刺史鼎分逮建

業門第尊烏衣四世祖兆吳赤烏中官中牟令徙居建業烏衣巷為江東始祖郎將

民曹彥五世祖雋六世祖續俱官典農中郎將學省天下師七世祖衡晉國子監

祭酒太自從建武來勲業續前徽八世祖哀晉吏部尚書兄鯤封咸亭

侯諡司空登三事九世叔祖石晉司空永嘉馳五

康封南康郡公諡襄

九世叔祖鐵淮南邁通識九世叔祖萬安西固疆陲

晉永嘉太守九世叔祖奕東山盛絲竹九世叔祖安晉太傅北府

晉安西將軍十世叔祖元跋扈折逆臣投鞭弱強氏鳳巢

揚旌旗十世叔祖元跋扈折逆臣投鞭弱強氏鳳巢

無醜羽驪項抄凡璣或秉東陽節九世祖據十世祖

或假宣城麾十世叔祖允驃騎名不減十一世祖重

騎長晉宣城內史驃騎名不減十一世祖重

史詞賦眾咸推或蠟遊山辰十二世叔或夢春草

池十二世叔或運入關策十二世叔或閒中庭籬豫章

求出守安城始分支十二世祖瞻宋豫章太守牙璋鎮

軍容十二世伯祖絢宋鎮軍南宮總綱維十二世叔

門侍郎十三世金吾凜齊禁十五世祖仕會齊中郎

祖麟中書侍郎承明中官左金吾

宣唐威

十九世祖鳳唐貞觀中中郎將

守令才濟濟

二十三世祖世傑唐上元中武

岡令

二十五世祖德昭唐貞元中長安令

司戶印

二十六世

祖慎言唐慶元中武昌太守

二十

八世祖君賢唐司戶三十

宋興策佐命解柄

傾金杯

三十三世叔祖與義宋初封金吾上將軍贈陳國公

一株肇辛里七英

聯萼輝

三十四世祖蕙宋仁宗慶厯中擢徐州通判為辛里始祖子七愛宜望最載勝壽

蔓

引離本根散處江東西閩閩昌奕世餘烈喜重恢

五世祖望三十六世祖模俱鄉舉三十七世祖和甫元豐中官大使三十八世祖公信三十九世祖伯成

文章鳴世四十世祖君用

中原起戰爭泥馬履南馳

孝宗淳熙中大理評事

端揆資輔弼

南渡後宗族甚盛深甫甯宗朝拜右丞相封魯國公追封信王父景之魯王子

渠伯魏王孫奕封郡王曾孫堂尚榮郡公主方宣訓

叔理宗淳熙中拜左丞相兼樞密使封惠國公

仇宮闈渠伯女道清文節昭忠義坊得江西招諭使

忠寺西臺涕漣而逸民經略佐百粵四十一世祖德卿

略參仙掖煥瀛奎四十二世祖士可翰悠悠蘭江水

香草雜荃蘿興減平江宦石竹記紅崖四十四世祖

州牧遷湖南澧州之東鄙為禮吳西委廉訪四十五

始祖以紅崖石竹為記今猶存賊有功授都督平蠻元帥餘杭賴臥治四十六世祖

府知兄弟皆人豪杞梓稱良材灤波淳夢澤四十七世

人伯祖汝弼南京提小港濬蛟溪叔祖汝元青陂粉

督副使為華容始祖榆重澧浦叔祖汝器禮喬木遷松滋四十七世祖

自澧遷松滋居金雲間歌來暮四十八世祖鏡永劍

羊山為松滋始祖樂中松江府同知

三

四十九世祖茂號松亭安
治中四川新甯縣知縣

松亭公子十二珊瑚珠
璣璣玳瑁璣瑤璣玳

宣璵公

紀公撫州千戶

理公淳安主簿

閒吟草

魏公選拔貢生築別業名怡雲誦讀其中著有怡雲草

兵部

瑚公庫大使

十五

矯矯直指公

五十一世祖
佑公號偉齋

郎官應列宿宣化布洛

伊開倉賑流亡凶歲民忘飢焚香自退食咏嘯何愉

偉齋公在豫遇旱賑卹有方民免流散
公暇焚香吟咏著有澄源集退食軒草

清風高月

嶺萬古殘陽低

珊佑二公俱葬縣西月嶺口盛極難

為繼門戶嗟中衰

自偉齋公後疊逢喪亂禮祀幾斬相傳松亭公坐為庸師所壞掘有

紅鶴白龜之異

婦公宦晉安跣跣遠相依玉樓長吉召清言

叔寶疵

五十五世祖應宿公號晴湖邑庠生外舅毛公官廣西南甯府同知召公就婚卒於任所

年二遺嬰屬襁褓啼笑不能悲

五十六世祖大謨公號桂園時甫三齡

柏舟矢清節旅櫬厯險嶮經聲懺五夜繡佛持長齋

貌孤幸成立遺址荒經臺

桂園公母自粵挾柩歸葬即築臺墓側持齋誦普門

品日夕不倦今

晝夜兼慈訓棄金鋤獨揮

桂園公崇正時廩生

其地名經臺堰於宅後築循陔書屋讀書其中嘗授徒劉氏海宇忽

分裂烽火燃劫灰負奇未得展遭亂臨多歧避地趨

異縣羈魂滯湖隈孤墳杳何方莽莽荆榛埋

明季公避兵至

石首卒葬六湖山小址湖

邊兵賊無定遂失墳所在

弱子珍雛鳳橫刺逼狂鴟

崎嶇金馬閒迫逐悲流離

五十七世祖凱公字天玉順治二年甫十二歲被兵

掠至雲南有楊姓兵詢知公孤苦贅爲婿

皇天厭禍亂光華且重照流氓

復舊業偃伯林瘡痍六詔阻聲教黔楚鳴征鼙

時吳逆鎮

滇矯首滇池望荆襄邈淒迷宗祀痛欲斬一縷懸蟲

絲家室縱可棄若敖其餒而杜宇哭寒食堪墓宅孤

狸孤身辱秦贅日夜潛悲哀蟾烏東西換流光暗裏

催啁啁燕巢幕忽忽羆生貔紛紛僭竊掃坦坦皇路

開義重私恩割側足遂東回閒關叩焚表蟾魄盈復

虧到鄉語音異繞郭人民非我我金羊山松竹遠依

稀其時覬強族傾奪謀羣魑

天玉公久不歸族人既謂已死謀分其產

獲原上稻還烹井邊葵距宅斲臥榻負耒耕藥畦所

志競貲產昏旦互喧喧賴有忠義士堅忍獨力持宗人

進踞宅中義士楊欽甫堅拒之謂主人子幼有識世

代忠厚必不絕祀百計誘脅不為動日夜號呼若狂

號泣念主恩佯狂歔糟醅天道福善類生還當有期

是夕聞剝啄狂呼啟荆扉乍見遽相慟詢答轉致疑

其夕夜欲半楊聞扣門聲遽躍起呼曰吾主人歸矣族人共宿者咸詈其妄比開戶果公歸也

昔去

未成童今來霜染髭誰信廿七載萬里真來歸

順治二年

被掠康熙十年乃歸

入我昔日堂襄我幼時帷鋤我栽花圃坐

我釣魚磯滄桑幾變更廬舍全茅茨大義存僕隸足

使澆風移年命易消歇彭殤理難齊歸家十七傳矜

熒子吾家自信字公屢世繼孀嫠桂園公母毛高祖

教督躬嚴率切望憐孤兒易簣諄告誡拈毫垂良規

五十八世祖環川公教先曾祖極嚴倜儻誇任俠豪

氣吐虹霓札洞養由矢袖揮滄海椎飢鷹脫韝縱怒

馬剗背騎鶚冠集豪客鯨飲涸春醅一聞慈母訓折

節崇謙撝先曾祖清園公邑庠生十齡失怙少好任俠縱酒鬪勇高祖母痛戒之遂折節讀書

信徵季布諾難貴魯連排方正端嚴傾囊濟困窮卜

地理骸骨濟困扶危敦族建祖廟於紙市捐振古新

施棺掩骼

修祠堂

神祠重修飛仙觀郭廉孝益自勉徵薦甘固辭乾隆三年

戊午有司以孝廉方正薦雖引陳蕃重曾無澹臺私

不就方伯安國特贈聯額守令下車燕山五桂樹枝枝臨風吹先祖兄弟五人

爭相器重永鎮永泰蘊華含秋馥遑闔春物菲雨露之濡染同

永盛永宦根有榮菱誰謂對皓月不若曝晴曦吾祖鄉里善惇

懋與時宜滌滌慕石建戲彩娛老萊先祖事曾祖母

取衣衫澣濯或勸付之僕婢公不可耶孺人極願每

日他人倘生厭惡便非敬親之意卓爾拔流俗穆

然重倫彝雅量容醉尊情恕消陰霾有無賴登門罵

祖曰彼醉無知醒自去耳竟閉戶明日況偕鹿門侶

其人暴卒於是咸服公之雅量免禍也家人欲毆之先

饁餉同耘耔所悲子荆悼惡夢驚曰炊鷄絃絕何續

薤露朝已晞隱恨歸泉路兒女號空幃

先祖母王孺人中年溘逝

時先嚴纔十二歲姑母五齡耳

哀哉吾先子弱齡失覆慈惠問賢趙

母撫愛躬提攜

繼祖母趙孺人撫育先嚴不啻已出

延譽到陶薦績學

斷孟機策髮就外傳阿保從小奚併行目經史岐嶷

散親懷采芹甫弱冠穎脫囊中錐詩律宗韓杜文章

希馬枚苦哦心孤詣興到筆窮追負笈遊江漢題襟

華藻摘才名動公輔同輩咸驚猜

乾隆戊申先嚴從學江漢書院時姜

度香中丞最撫楚奇公文親至書院獎勸

日華迷五色明珠偏棄遺下第

惜劉蕡登科慙李邵

已酉選拔學使者吳稷堂省闈屬意先君以卷汙松邑遂無所

拔從茲困場屋坎壈壯心違投筆志遠遊千里隨攀

躋夕日窮途泣悲風巨壑來毬馬燕趙閒蘅杜沅湘

涯吳越片帆渡秦隴匹馬嘶勝具濟勝情周覽勞輪

蹄

先君喜遨遊歲常三四出

追遠傷湮沒巖麓空棲遲

奠成公葬紅崖寨桂

園公葬石首俱失墓所先君

具錡返侵地松楸手培

栽 珊佑二公墓田久被侵佔乾

隆己酉歲先嚴率族修復之餘事精青烏探討遺

經披指點烟霞際穿雲躡芒鞋

精於地學

慷慨起悲嘯蓬

鬢霜雪欺遠烈不可紹眷古重低徊虎豹慙後劣頻

年走京畿析薪弗克荷孤望顏忸怩

先君懷志未伸故望子甚切深

慙庸劣孤恩思之汗下

阿兄負俊名莫爲當世知旅食寄燕市

五載衣塵緇禰衡毛生刺李廣數多奇歸臥茅屋底

志銳力已疲藏書幾千卷披讀手重胝兩弟連棣萼
禮瘦萌不肥憂在謀溫飽何計布與糜諸葛稱龍虎
馬常羨白眉溺人豈必笑兀者忘廢肢浮生誤薄宦
撫躬增嘆嘻驥足猶莫騁何況驚與駘憶昔弄柔翰
誤思光門楣色動毛義檄不恥丞尉卑十歲遊吳門
奔走逐囂埃朴陋世故淺到處蒙羣嗤讀書不求解
芸窗厭憂吟賦就覆醬瓿詩成誚吟癡鑿井窮巒巔
力殫功未諧亦知昧厥舉所惜始願乖往歲驚風木
靈椿條崩摧白雲無定所香草枯南陔歸舟波渺渺
遠道寒淒淒槭槭川原樹阡阡曖若薺揭竿求大海

規規裂心脾鞠育恩莫報遠引誠何裨
春夏霖雨足畝畝親扶犁欣欣禾黍長
可以潔馨粢念我先世澤

潏潏難溯洞明德當時顯達人代踵隨
苕苕五千年

吾宗自神農肇慶逮今戊寅歲共歷五千四十五年
葉葉未參差縞堅今弩末

攬緒實在茲薦蘿施松柏貞幹挺寒姿
美擅耶壑勝

磊砢對幽棲河流不到天入海洪波隕
川汭湧細漚

澄澈鑒淪漪根源各有自遙遙衆已
哈雲雀岐山瑞

楚人詐山雞涇渭性豈殊所望汨其
泥絕附青何驕

拜墓韜賈譏丈夫貴自立憑藉欲何
爲不有公卿子

零落臣輿儻吾身苦蹉跎中年九委
蛇常恐先業墜

燭火宵光微子弟為嬌穉妄念欲其佳未能免啼笑
略解讓棗梨安得移小草玉樹森當階後昆繩祖武
結想心恹恹努力嗣清塵燕翼保繁釐

白荷花

田田碧葉亂婆娑菡萏初涼暑雨過弄艇端宜逢玉
女移根只好種銀河風生野岸離塵遠露浥深宵得
月多淡薄花同人淡蕩擬將情素託微波

登松滋城

炎暑晚來歇荒城發興幽連山青入蜀潯水白分洲
三峽行雲遠重林爽氣收何如江上客放艇醉沙鷗

月嶺口拜祖墓

嶺越橫溪路遙遙見墓門江光翻白腳草色帶山根
風雨愁翁仲簪纓愧子孫殘碑何漫漶披讀手重捫

二

祖德慙追述飄零益自傷史傳驄馬瘦峽近夜猿長
漣漣溪流急離離草徑荒低回歸去晚月嶺下殘陽

中秋對月感懷

寥碧無雲萬里天閒階獨立轉悽然清秋過半逢今
夕皓月仍圓似去年失哺慈烏空繞樹含愁衰草已
如烟荒墳夜永應岑寂願徹明光照九泉

築舍

只說遷居何處遷三間老屋舊山前傾斜半不禁風
雨補葺全如闕洞天隙地樊籬畱種竹深溝導水使
通泉柴扉甕牖蕭條甚差勝牽來岸上船

垂楊垂柳一行斜人指柴桑處士家地本無多饒草
樹山非甚僻足烟霞疎簾捲夜宜新月老樹橫秋耐
晚鴉廣廈萬間空有願漫將湫隘易繁華

別故宅

金山卜宅歲年深對此徘徊思不禁去國孤臣猶戀
闕離巢小鳥更投林門閭舊染慈親淚堂構曾經老

父心最記浮蹤隔江海時時夢繞北堂陰

南榮東閣競遨嬉逐隊尋歡憶小時畫壁儘多新篆
字書帷猶揭舊抄詩於今松菊皆如客從此鷗鳬未
可期嬌女不知分爨事牽衣惟問去何之

題盧墨園

繩澗

詩稿後

廿年辛苦學操觚鄰有斯才我不孤池草家風慙小
謝江流古體重前盧一斑豹久窺筠管萬斛船今獲
寶珠擊節秋窗懷烈士唾壺缺盡倒金壺

逝水韶華轉眼過船唇馬足共消磨

記癸亥冬偕
君南歸事

遨

遊勝日風懷健詩律中年感慨多雨暗淇園瞻葉竹

霜飛滎澤渡黃河吟情大得江山助燕市歸來醉獻
歌

和醒蕉寄懷詩

屈指經年別相思契闊深書來歸雁羽遠見故人心
有子悲溝壑無妻詠藁砧來書云仲子歿後荆室繼亡憐君多少
淚和漏夜沈沈

懷舊絕句

松滋余次卿農部

文銓

相思南北托鱗鴻十載停雲望欲空我似皋魚君子
夏秋來無淚灑西風

黃安張侍楓拔萃

錫講

院體文章衆所推
含經咀史信多才
六堂燈火槐陰裏
照見渠儂共讀來

婺源吳醒蕉上舍

友仁

酒腸俠骨嘆嶙峋
琴劍飄零剩一身
信道愁多天地小
茫茫何處著斯人

休甯詹棲梧布衣

鳳

挺立風塵遇坎坷
情鍾我輩苦吟哦
玉樓天上成何事
早畱得奚囊斷句多

休甯宋雲舟布衣

堅

此身難得是清閒甚欲相尋道路艱憶對菩提西院
雨粉牌詩句寫寒山

休甯汪梅村布衣

宜之

翹首東南淚已枯當年風景半模糊紙錢灰冷橫山
腳愁過閭門舊酒壚

休甯汪小潭布衣

沅

無端兩鬢已星星閱盡豪華眼倦青拋得黃金買流

水只愁誤讀種魚經

時謀養
魚虎耶

海甯陳月墀茂才

增

滯酒顛花了此生多才不合是多情迷樓易醒揚州

夢剩有吳娃說姓名

歸安鄭西峯貳尹

祖經

年少曾經萬里遊
祁連風雪玉關秋
一行作吏江南北
隘卻元龍百尺樓

桑植向筆山貳尹

文璜

髯也多材更有情
酒酣雄辯四筵驚
湖山何幸逢仙吏
來與烟霞作主盟

上元丞駐
燕子磯

巴州成慎菴少府

其謀

川流不盡巴江血
劫火能全孝子廬
莫以無文輕絳灌
咎夔稷契讀何書

教匪犯蜀君守父
柩不去竟免於難

仁和嚴宗玉少府

璠

酒鎚茶具共追歡
來日艱辛亦大難
棹買澄江天欲雪
綈袍獨念故人寒

監利袁漢嗣守戎

在燭

豪氣渠儂大不平
燕臺燃燭醉談兵
馬蹄踏破黔山月
刁斗秋隨細柳營

監利楊槐軒廣文

繼煥

長途風雨怯炎天
驅馬南來倦著鞭
觸熱當時愁熱客
何如冷署坐寒氊

臨汾王雲泉主簿

廷錦

四海無家信此身黃金拋去買清貧誰云薄宦能爲
養愁對高堂白髮親

長沙蔡夢吾貳尹

汝弼

窮愁寂寞解相憐不學張顛笑米顛紅葉綠蕉題欲
滿中郎家法本仙傳

韶陽魏春煦少府

邦魯

學有淵源仕則優每從嘻笑寓經猷過江名士推殷
浩溫嶠甘爲第二流

歸安沈芝衫秀才

師錫

天付生花筆一枝妒君清福愛君詩朝來畫出春山

遠還寫紅閨唱和詞

修仁梁濟川少府

顯德

丹楓十月冷吳江
丙夜相尋倒玉缸
我醉君酣僮僕笑
狂歌亂拍不成腔

海甯王品蓮茂才

鈞

王郎品格似青蓮
一卷新詩到處傳
磊落奇才誰拔
爾秋風唱和自年年

貴筑黃仲鄒大尹

鶴

廉吏於今不可爲
當時空羨後空悲
黃郎已爲黃金
死只博清名載口碑

甕安傳竹莊大令

玉書

滄海浮萍遇有時
蠻花犵鳥共相思
恆山識後荆山別
不道黔山更論詩

孝感屠可如方伯

之申

虛懷若谷春常滿
明鏡懸秋照不疲
小草深慙培植厚
千雲空抱後凋姿

己卯

示元森弟

汝昔初生歲予還
自黔西阿父抱汝出
呱呱甫能啼
父言身衰老
養汝值暮遲
或恐霜露晞
不見汝大來

謂予當汝教以汝置予懷斯言常在耳汝長今如斯
明發將遠離不克與汝偕汝宜自惕勉勿使傍人嗤
朝夕勤誦讀午暇習臨池內秉長兄誨外訓承嚴師
余光翀先生科名豈可求經史應淹該家世守儒素明德
衆所推迓予兄弟身凜乎其中微汝苟不自奮予心
曷由開予子方幼小同學與汝隨汝宜率以正如予
勗汝時父書萬卷餘汝庶能讀之慎勿自偷惰致遺
阿父悲

雨後齋中作

春風春雨逐時顛擾我閒愁醉不眠寂寞自知無用

甚緣堦草長破銅錢

苔錢土名
破銅錢草

出門

閩四月初十日

三泮豈惡靜風波強之浮本自無根蒂於水將何尤
我昔躬稼穡忽作升斗謀浪迹十八載攘攘良自羞
今晨復整駕俯仰心煩憂戴月方出門顧瞻重遲留
園林有棲鳥驚起啼啾啾

在者歲乙亥阿耶攜我行春風吹野水小雨飛星星
慈母勉相送掩淚立中庭門前雞棲樹聞我嗚咽聲
昨日辭坵壠萋萋草又青黃土亦非厚千號不一聲
徬徨望闔闔日落天冥冥

雞雛與母失膠膠互追尋乳燕未成羽望哺多哀音
嬌兒惜我別走送牽衣襟一女抱母肩啞啞拂釵簪
意亂語多複還顧傷我心丈夫不自立兒女意徒深
搖鞭指天涯縱轡越高岑

泊柳口

濁酒連日醉難爲離別心孤舟泊柳口徹夜啼水禽
道遠客思苦波恬湖月深攬衣不遑寐倚榜自沈吟

登沙市塔

莫遣離懷亂登高望眼明江流通蜀峽保障控南荆
晚市人爭渡荒洲草自生舊金天風吹太急愁聽湧

濤聲

楚莊王祠沙市

伯迹消磨盡沙津尙有祠雄風傾上國英氣憶當時
業許桓文並恩猶楚郢思溪毛吾欲薦江水渺無涯

嘉魚舟中食鱗魚

一尺銀鱗出水鮮小舟爭賣不論錢嘉魚江上輕帆
穩恰好殘陽欲酒天

江南四月味稱珍烏養思將白髮親漫說鱗魚難作
鮮於今封鮓已無人

赤壁懷古嘉魚

橫梁臨吳氣太驕馮夷倒轉一江湖臥龍不幸生三
國銅雀無緣貯二喬竟以風威成大捷應知火德未
全銷何時瀉盡英雄恨遮莫奔流暮復朝

老鸛觜破舟行

嘉魚

布帆東下舟如龍繞舟駭浪雲相從飄然飛渡三百
里淩虛欲到蓬萊峯使船如馬未足擬直是飛仙行
御風同舟歡笑羨利涉江山指點矜豪雄世間快事
不可過風正好時舟忽破當年赤壁萬槳灰此日孤
舟添一箇艙底翻花湧黃泉呼天不應鬼伯和我亦
倉皇拜向天肯信何人整衿坐前有荒洲烟水灣鼓

棹從之風力頑欲前不前波滿眼浮沈已在須臾間
豫章老客推篷出一手捩舵迴帆疾橫江翦浪捷於
梭彼岸徑登心猶慄自嘆平時誇靜鎮及逢倉卒多
悔吝身雖未死魂已逋誰云涉險仗忠信別買輕舠
隨老漁滿船明月客愁孤破冢而出有時有淩流亂
渡無處無江邊淘河高如鬼終夜警欬聲聒耳七尺
奪回江魚腹一舟還泊老鵝背

同萬壽卿州判

有干

登黃鶴樓

鄂渚神仙宅登臨亦快哉渡江雲影漫倚檻客顏開
小艇衝濤上天風入座來披襟霄漢立何處笛聲哀

晚登北榭至黃鶴樓下納涼

日夕炎燄歇，淩高爽氣增。
碧紛依檻樹，紅簇賣茶燈。
江月情何限，雲山望不勝。
鶴樓樓上鶴，遐舉竟誰乘。

悼幼女

五月二十五殤

中年無多男生女，亦復佳呱。
呱呱綳錦祿，憶女初生時。
提挈日漸慧，憑立能牽衣。
昔我將出門，日夜向我啼。
揚手如索抱，側身匿母懷。
匍匐故相避，憐惜餌芳飴。
兩月滯鄂渚，心情鬱不開。
道逢赤子戲，輒復思吾兒。
書來得死耗，紛紛淚交揮。
飄零骨肉薄，捫心恆自哀。
不若田家子，聚首全孝慈。
棄置勿復道，走上黃鵠磯。

荆山不可望慘淡悲風吹

泊沙口

江夏

歲閏鳴蟬少秋涼小雨多青山遙在望沙口晚經過
報社微絲管連村起笑歌好停舟楫看一爲靜風波

舟中望西山

武昌縣

樊山連西山雙峯高入雲草樹緣巖谷鐘磬遠相聞
曩從先子遊踏石穿雲根往事隔生死悽惻難重論
歲月逝湍水滔滔東南奔征帆不肯住蘿薜無由捫
仰瞻寒溪寺秋葉碧紛紛

道士湫

衆嶺趨江干一峯扼江口江狹亂水喧山偪巉巖陡
領建爭一門一注競東走賸波不受障崛強怒昂首
開闢勢嵯峨太古色蒼黝其陽多松竹梵宮起培塿
我舟從天來直下風濤吼風濤且勿驚盡此杯中酒

次蘄州

泛艇作壯遊阻風得奇覽兩日次蘄陽萬山供睇眄
矯如鳥奮飛怪如獸蹲瞰幻如蒸雲霞秀如茁蒨蒨
高下各殊狀風雲互隱顯斗大一州城位置恰當險
雉堞表嶺高鯨波環城轉蘭溪溪名多芳荃秋江多葭
莢空懷採擷心涉江吾何敢長嘯對雲峯紛慮何由

遺

田家鎮

岷江橫天來到此忽無路秋山重復重不放江水去
水性自朝宗誰挽湍流住一激生一波毋乃增其怒
不如暢使宣浩浩任傾注

烟水亭

九江城南甘棠湖中

湖心亭子似西泠湖外匡山列畫屏軟浪搖來秋艇
白浮嵐進入小窗青情深烟水思邀月愛繼甘棠說
景星湖舊名景星唐刺史李渤築堤衛民民德之因
名甘棠宋周茂叔知南康軍勸設月亭以望匡
廬明發蒲中改建烟水亭以奉呂
仙純陽取山頭水色薄籠烟之句到此渾忘風色險

雲帆江上幾時停

琵琶亭

商婦琵琶淚溼衣
潯陽風景已全非
江州司馬何人繼
惟見蘆花滿路飛

從來秋士慣悲歌
客子懷鄉淚自多
我是楚狂人不識
欄杆獨倚涕滂沱

匡廬歌

匡廬之山高復高山
山如雲千青霄橫空瀑布飛匹練
萬古不斷銀潢濤
匡廬之山重復重
千巖萬壑摩蒼穹
層巒疊嶂縹緲散袍褶
天衣不用刀尺縫
匡廬之陽

幽可廬朝朝暮暮形容殊變幻縹緲不可狀應是與
島仙人之所居昨日秋爽懸清暉矯首雲中興欲飛
願得腋下生雙翼上與羣仙相徘徊縱目天外窮天
涯西望太華南顧衡嶽北盼燕然如卓錫碧海茫茫
生眼底下瞰洞庭蠡澤如瓢亦如杯仰摩日月俯撫
雲霞凌虛御風撫髀咨嗟呼吸應見天門開排闥闔
趨瑤池爲問眞宰混沌以前天地沙水木石人廬如
何震蕩激射鎔燒成劫灰何以茲山突兀蟠結猶崔
嵬誰爲雕鏤鑱鑿使之峩峩矗矗而爭奇乾坤畢竟
有終極十二萬年後得勿淪爲淵泉化爲塵與埃吾

生擾擾奚爲哉

湖口縣望大孤山尋石鐘故迹

彭蠡秋漲奔流急吞吐朝曦出復入湖口遙遙望大孤一塔山巔如鬼立江上乘舟舟行輕舟中看山山亦行幾時放舟石鐘下臥聽噌吰鞀鞀聲

小孤山

彭澤

彭澤諸山太奔放突兀爭奇無稍讓一峯不耐排擠多走入江心作保障羣峯怕涉風波險欲前不前探首望孤巒上挂青天傾中川獨立羞依傍亭亭千仞天風吹懸巖四絕石梯危蒼鵠魚鷹不敢上盤旋只

繞山腰飛山上樓臺摩空起山下漠漠秋江水滄桑
陵谷幾變遷烟波萬古長如此如此烟波愁復愁片
帆東去共悠悠登臨無限遊山興不及江間浩蕩鷗

養默山房詩藁卷十

松滋 謝元淮 默卿

蝦虎集

己卯

渡西泖至徐舍鎮晚歸

一棹凌風去層巒擁翠微
丹楓明遠樹白日淡斜暉
偶爲看山出翻成盪月歸
買田真有願愁與世情違

喜韋君繡至

木落雁飛急天寒雲不開
正深殘歲感恰好故人來
翦燭吟新句移樽發舊醅
纏綿對牀語莫聽漏聲催

喜汪湘汀

錕

過訪卽送其歸黃山

歲暮生雜感朔風吹寒林之子灑然至慰我寂寞心
問子欲何往遙指黃山陰故山歸自得奈此別情深
古寺且小住濁酒聊同斟今日峭帆別何時還相尋
江天有征雁寄我空中音

謁盧忠肅公祠同君纘作

銅官山前秋草枯蝦虎城上啼寒烏烏頭欲白尾畢
逋聲聲似訴盧尙書尙書總角標英異指揮戰陣隨
兒戲墮水曾來神鬼扶叢篁踏去豺狼避一朝釋褐
侍明光衣錦歸來戀故鄉不以精神銷粉黛肯將風

骨下貂璫中原流賊正紛紛連天野火傳妖氛靡使
不遇遇卽死威名誰撼天雄軍青龍岡遠戡窮寇師
子山高笳鼓驟人道畿南別有天直令賊竈炊無薑
三尺之劍三石弓捲甲疾走馳颺風羽書忽報滁州
急殺賊如草波流紅大功不成誰失策淮撫朱大典竟使
遊魚逃釜中涼秋八月陣雲黃西直門閉旌旗張烽
火三邊紛告警詔書十道催勤王甫任東南調西北
轉令羣兇得休息聚米圖成馬伏波屯田議奏趙充
國木葉山空木葉稀乘冰直過拂雲堆中宵霍索披
衣坐暇日從容較獵回平岡呼酒論兵法拔劍寒芒

透金甲朝疏邊事守宣雲夜策天城逃卜插一從樞
輔楊嗣昌首奪情救時無術水火成召對平臺堅主戰

城下恥蹈澶淵盟墨經臨戎揮血淚頒來御廢追風
驥但得孤忠明主知敢辭萬死臣躬瘁可奈浮雲蔽
太陽棲遲絕野轉蒼皇尙方不斬漢張禹隕恨眞同
宋李綱軍門父老休陳計絕援邊餉由中掣五千疲
卒當

天兵一死誓報高皇帝蒿水橋頭鼓角哀千騎萬騎
如雲來諸將伏地俱股慄裂眚一叱驚風雷夜間聲
策四圍起提刀上馬巡營壘分行力鬪日無光礮聲

轟裂鼓聲死短兵相接白刃揮單身陷陣穿重圍挽
韁不聽偏將請馬革真盛壯士歸男兒殉國斯正命
麻衣印徧督師印不死西市死沙場尙書早自安排

定閩人

楊陸凱

僕夫

顧憲

皆英雄生隨公戰死遮公是日

寒風洹殺氣陰雲慘淡愁蒼穹戰壘迎來辨刀鏃

參軍

楊延麟

家家巷祭村村哭黃巢後滅已非唐諸葛先亡

難保蜀時移事往仲公論畢竟當年有遺恨變禮徒

傷孝子心捐軀自是孤臣願我來秋老君山陽邂逅

公孫

秀才盧華忠肅裔孫

同慨慷把讀遺編仰天笑千年史冊

生輝光何似樞臣空誤主籲天只有孤兒傷昨夜隕

霜風淒淒寒泉嗚咽悲征輦應有英魂依茗嶺竟虛
湄隱築桃溪桃溪茗嶺幽深處過此徘徊不忍去如
此溪山大有人一樽還酹周侯墓

國山國碑同君繡作

有序

碑在荆溪西南五十里離墨山麓小山之上
吳孫皓天璽元年立其形如鼓俗名鼙
碑高八尺圍一丈首上銳微窪石色紺碧
東西廣南北狹四之一字徑二寸文起東
北而南而西訖西北共四十三行行二十
五字風雨剝蝕多漫滅今大略可見者三

十七行合八百餘字其文臚陳符瑞盛
功德自丞相沆以下紀名者凡十四人曰
太尉璆大司徒燮大司空朝執金吾修城
門校尉歆屯騎校尉悌尚書令忠尚書
直晃昌國史瑩覈等僉以天道元嘿以瑞
表真今衆瑞畢至三表納貢幽荒百蠻淨
海慕化九垓八埏罔不被澤率按典繇宜
先行禪禮紀勒天命遂於吳興國山之陰
告祭刊石以對揚乾命庶報坤德副慰天
下喁喁之望焉中書東觀令史立信中郎

將臣蘇建所書按志載皓時有大石自立
侈以爲瑞遣司徒董朝封之改名國山立
石頌德以董所封故又呼董山陳壽志謂
皓遣董朝周處封禪國山今碑無處名尤
足證孝侯臣吳之誣乾隆甲寅歲吾楚唐
陶山廉訪仲冕時尹荆溪構石亭覆之勒
石以記

封禪首秦皇伐石頌荒德漢武慕神仙效尤甘自惑
東巡繼建武圖讖尤粉飾妄誕豈不知聊以快胸臆
七十二代君偏錄誰曾識嗟爾歸命侯胡亦蹈往迹

炎漢丁末祀羣雄據疆域討逆人中豪揮戈殄殘賊
紫髯襲餘威肇有三分國皓也構荒淫羣詖玷貞石
厥歲在旃蒙陬訾月始魄羣臣頓首請曰沈穆瑩嚴
八埏集衆瑞四表被洪澤乾命宜對揚穹碑乃刻畫
爰命司空朝除壇披荊棘碑圍廣一丈碑高度八尺
形倣周石鼓字殊晉波磔大書了不慚王檢藏石室
其時蜀已亡東南餘半壁危蹙不自保况復逞狂逆
木柿蔽江濤鐵鎖橫江磧破竹勢已成天塹渡飛翼
青蓋入洛陽面縛羞銜璧遂令茲山碑萬古無顏色
孝侯愼出處力學藏草澤壽史誤傳疑謂與朝同役

碑今無處名此謬須爲摘陶山楚之良好古多雅癖
一亭蔽風雨摩抄屢停策我作國山遊重爲茲石惜
倘經媯皇煉應補青天隙不然刊石經橋門垂典籍
小或爲礪礪下亦成礎礪細微苟有用猶應勝棄擲
如何鑱誣詞恬然冒淋炙伯業久荒涼谷陵還變易
嶧山與岫嶠共此一歎息茫茫千萬年寂寂望離墨

周孝侯祠

悔過何須歎已遲翻然折節遠從師沙場戎馬空陳
迹故里衣冠剩古祠豈有擇君同豫讓曾聞奉母繼
姜詩

孝侯奉母隱居陽山從未仕吳見萬球斬蛟射虎記斬蛟射虎皆餘事我

爲孤忠酹一卮

斬蛟射虎行

將軍來射南山虎木葉亂飛腥風怒彎弓一發石飲
羽虎兮虎兮不如鼠將軍去斬長橋蛟魍魎走避河
伯逃霹靂無聲電光死赤血夜漲長溪濤英雄那作
鄉里害擲刀一笑青天高將軍之才兼文武蟻賊紛
紛何足數殺賊不同殺蛟虎將軍遺恨畱千古老龍
潭水空復空荆南山色空濛中於今試劍山頭石寒
光夜夜爲白虹

杜樊川水榭故址

築榭臨溪亦偶然疏狂誰似杜樊川青樓選夢原多
幸綠葉成陰遠可憐此地遺蹤餘水石當時勝概足
風烟名山我欲探幽去一棹難尋罨畫船

碧鮮巖懷古

祝英臺讀書處

讀書人去綺窗清寂寞巉巖對月明願作鴛鴦空有
意化爲蝴蝶最多情從來恨事歸兒女那得良緣屬
友生遙望祝陵愁貫酒華山畿畔淚同傾

祝英臺墓
今名祝陵

人多
善釀

送君繡回姑蘇

行行東汎渡握手意何深落拓依人計淒涼送客心

名山空有約古洞竟難尋

約遊善卷張公二洞竟不果

今夜孤舟

解天寒莫苦吟

貞松操爲周節母作

并引

予攝尉荆溪之踰月路衡北孝廉

同辰偕

周子珍黃

應華

來訪珍黃出其母湯孺人

節孝傳丐爲詩覽誦一過慨然歎苦節之

不可泯也爲賦貞松操

鬱鬱貞松歲寒彌榮冉冉慈竹冰雪彌青維松竹之

操喻母芳型

一解

兔絲女蘿結爲一身中道萎折血

隕霜晨豈不思殉下累此腹中物上憂高堂親

二解

烏呀呀將其鷦鷯待哺聲喧呼爲我謂烏且勿呼呼

時驚我懷中孤 三解 孤兒啼何苦孤兒啼勿苦堂上

翁姑淚如雨聞兒啼增酸楚 四解 翁姑無兒尙有婦

孤兒無父尙有母哀彼泉下人煢煢獨何有 五解 出

抱我喪入鳴我機絜我滌滌奉我庭闈有婦如此何

悲喪子爲 六解 匪嫠之艱撫孤爲難孤兒成立旣孝

且賢回顧阿母鬢毛斑四十年來心力殫 七解 長跪

啟阿母兒欲上號閭闔陳母節旌之綽楔爲母壽令

母垂不朽 八解 母曰嘻兒何爲養親教子嫠職如斯

兒勿述往事令我心哀 九解 茹荼匪苦咀蔗匪甘青

年矢志白首怡顏萱草蔭秀蘭枝紛嫋

十解

天報母

節俾壽而康人欽母節彤管摛芳母節子孝爲邦家

之光

十一解

荆山崔嵬荆水沿洞山兮隱耀水兮潛輝

誰爲採風者聽我歌曲應徘徊

十二解

題儲紀堂孝廉

徵甲

畫溪春曉圖

在山不知春捲簾憐春早東風幾日吹已綠溪上早

輕烟藹恬波野色悅曙鳥中有淡蕩人凭欄對春曉

君看溪外山極望青未了何日共扁舟相將肆幽討

吳小亭

兆慶

邗江雪夜較書圖

雪意連雲凍芸編夜校讐坐忘寒漏永心與古人謀

修史重疑宋燃藜獨照劉琅嬛如許借吾欲夢揚州

贈俞陶泉明府

德淵

哲人綜羣才用世無畦畛朝籍金閨彥夕簡花縣尹
橐筆謝藻翰鳴琴親簿領暫戢瀛州翼翻爲斯民幸
幸君溥仁風一爲除苛猛

荆溪古陽羨僻在山水隅風土舊淳樸刁頑近頗渝
君來剗積弊反淳溯厥初懸鏡察奸慝履冰兢吏胥
片言折紛難訟庭日清虛

離墨南復南萬山相結紐中有五六大類若耶叟
共言數月來安靜到雞狗賴我使君賢頌揚不容口

予亦慕廉潔因之勵夙守

誰云俗難化感應速草風一言發至理萬衆生歡容
盤錯利器別昔爾今亦同安得親民吏一一皆如公
願作有腳春煦育周寰中

謔謔行爲朱順孫作

順孫名裕文荆溪張渚人父早死祖母徐
年九十動履需人裕文事之以孝稱嘉慶
二十四年十二月十二夜家不慎於火裕
文負祖母不得出與俱焚死時年二十有
一新娶方市月也里人以狀聞爲賦此詩

諄諄出出聲何促前有啼鴉後飛鵬盲風吹折萱草
枝劫火竟炎崑山玉小人有祖母九十垂衰朽父兮
母兮嗟早喪願侍殘年康且壽由突徒薪謀不臧疾
趨負母何蒼皇眼中見母不見火冥冥黃泉下母孫
猶得相扶將黃鵠去兮鳴聲哀白鳥斃兮心悲摧仰
首呼天天門開茗嶺之陽兮桃溪之鑒此精誠兮風
雲隕我心情恍兮悲歌起舞而徘徊

庚辰

董應彝上舍

瑚

招同吳梅谷文學

辰

菊畦徵

士

衡章

湯漱泉秀才

文緯

遊南礪歸得詩

十六首

放舟

一雨喜新霽小艇泛烟潯已知山路近幽禽多好音

乘車

隱隱復旬旬雙輪前後轉愛聽詰曲聲何惜破碧蘚

蘭墅故址

亂石臥芳草小橋映流泉當時歌舞地開徧紅杜鵑

卓錫泉

卓錫湧靈泉千載鑑情冽誓不起波瀾自與濁流別

稠錫樹

引松亦非柏具此冰霜姿百尺干雲上翻思卓地時
洗腸池

峭壁瀉飛湍方池清且泚平生負熱腸聊用洗吾耳
娑羅樹

偶作招提遊未證菩提境老樹自婆娑明月照清影
壁觀精舍

乍覺登陟勞小憩忘爾汝便作如是觀面壁良自苦
悲閣

戶牖地 虹霞環峯擁疊翠俯聽雲外鐘知是林閒寺
青螺閣

繞閣多青山春色在何許一樹山茶花垂紅嬌欲語

古玉蘭

玉蘭零落盡枝葉空自好不道賞花遲卻怨春去早

古紫藤

紫藤飽含花盤根附絕壁蜿蜒欲化龍遠愁風雨夕

竹徑

歸鳥帶斜陽泉聲響空谷有客尋舊遊題詩認修竹

登陽嶺

危巒四圍起樵採一徑通僧立飛鳥上人在畫屏中

陽嶺絕頂晚眺

西來離墨雨東捲具區濤欲窮望遠目不覺置身高

歸棹

行行入白雲漸迷來時路出山逢故舟回首杳烟霧

題張霽青文學衢澱里集後兼謝其評定拙

稿

我初學爲詩雅慕杜與韓鯨魚掣碧海硬語橫空盤
此外肆涉獵攬緒味厥端譬若羅珍味染指辨鹹酸
擗管偶竊效有似蟲號寒聽者耳欲掩冥索眉猶攢
落拓二十年馳驅力已殫妍媸不自見望古彌渺漫
思得青銅鏡清冷鑒肺肝讀君澱里集慷慨起長歎

美人在荒村哀絲中夜彈成連去海島溟渤翻狂瀾
精神與古合太璞謝雕剝時習方綺麗清俊詭獨難
君山高復高飛巘青巘屹其下富松竹其上多蕙蘭
蘭蕙不可采枝枝秀晴巒願言襲餘芬慰此平生歡

答黃奕清文學

中理

芝田有介鳥不繁惡木林晨露警清唳青雲忘遠心
豈乏凌風翮戀茲溪壑深寄言蜩與鷺毋爲競凡音

二

陽和釀元氣草木媚春姿榮敷詎有心亦云順厥時
達人洞至理吟嘯發新詩臨風矚霄漢遺世誰復知

三

舉世操鉛槧訾謗互排擊自生千載後思與古人敵
古人信多疵指摘誠何益讀君澹忘詩灑然生悅懌

四

西汎欣再渡看君復看山山色不可辨聊喜承清顏
安得息塵鞅棲身山水間樽酒且共醉日夕愁獨還

重遊南礪遇雨偕吳醒蕉蘆應彝吳午生作

爲尋南嶽寺一棹又經過汎白東西鏡峯青大小螺
天空雲影淡林靜鳥聲和喜共同懷客相將入礪阿

二

捷足凌高閣題詩共倚欄草從春後長山愛雨中看
亂水爭飛瀑深叢釀薄寒莫愁行路滑歸棹艤河干

題李協亭封翁

重華

畫溪春泛圖

南人使船如使馬錦帆桂楫何閒雅迴波翦浪疾於
飛不數騰驤空冀野北人騎馬似乘船金羈玉勒珊
瑚鞭朝刷幽并暮涇水有如萬斛飛平川先生家在
長安市俗擅馳驅愁烟水匹馬遙從灞陵來扁舟遂
下陽羨里陽羨地僻多溪山長溪中貫兩沚環東南
奇畫尤奇絕紫藤綠樹含春烟先生意氣豪且爽興
來偶作遊山想登臨爲憚雙屐勞擬向溪頭催兩桹

荆南山水縱復橫聚之尺幅如視掌垂楊掩映五雲
深身雖未到心先賞仲圭妙手工寫真吳菊畦不徒工
貌兼工神頰上添毫傳阿睹知非落拓尋常人抱膝
悠然坐鷁首酡顏藹若春風生生平慷慨重然諾據
鞍顧盼猶矍鑠

北闕新承

紫誥恩南邦暫入紅蓮幕

先生以令子裕堂太史貴
晉封承德郎時客陶

泉明府

聊憑畫手補春帆早識閒情愛邱壑憐余骭

髀困塵埃青山屢訂烟霞約嗟余遠家漢水南萍蹤
漂泊輕江潭順流直送江入海艤舳習見波濤酣捧

檄臨津涉小水隔湖泝荆思窮探吳侯多藝與我好

寫圖爲仿東坡老

菊畦先爲余寫
船入荆溪圖

船入荆溪意豁然

應接如行山陰道展觀斯卷益茫茫買田當日何不
早東風三月吹啼鶯瘦紅肥綠最多情山氣空濛烟
漠漠歌聲欸乃水盈盈如此湖山不肯住一舸還向
胥江去落日方明岳山霞浮雲欲盡山亭樹卽今酷
暑觸熱愁晝溪清冷如新秋便欲從君鼓棹往痛飲
聊爲三日遊人生快意貴自適浮名薄利徒悠悠試
問五陵裘馬客何如散髮隨扁舟

畱別荆溪

畫溪溪水碧盈盈不盡汪洋送我情南浦遠迷芳草
色東風吹老杜鵑聲微官半載仍爲客薄酒連朝未
解醒身世難酬人已倦算來無用是虛名

殘秋捧檄蒞君陽開徧幽蘭蕙亦芳勝地久無蛟虎
害勞人爭似燕鴻忙山名大謝宜登眺俗類南荆卽
故鄉來去飄然差自喜只餘詩債未全償

訟庭蕭寂懶排衙猶說當年宰相家未許樓臺隨劫

火

尉署本前明周挹齋故宅今歲二月幾燬於火

且將杯杓泛流霞多時浪

迹徒漂梗隔歲爲期已及瓜我自懷歸天惜別遠峯

重疊暮雲遮

久客江南慣別離每因佳日意遲遲
千林柑橘鬣蘇帖一壑風烟小杜詩
玉女銅官畱咏處朱櫻紫笋送春時
殷勤笑問庭前竹好繫甘棠去後思

萬嶺嵯峨百瀆環臨津風土最相關
誰將芥茗修唐貢久愛陶壺販蜀山
釀熟祝陵仙蝶醉雪消泝野鷗閒
鵝籠倚共書生寄願把芸編住此閒

屏營歧路漫沈吟屈指年來感慨深
妄議詩文皆慧業喜遊山水亦貪心
萍蓬靡定隨南北楊柳多愁自古今
爲語雙溪諸父老烟霞有約待重尋

畱別陶泉大令

曾住瀛洲近日邊溪山何幸主高賢五官並用追劉
穆三絕多才比鄭虔爭戴使君如父母轉稱僚吏亦
神仙陶山雅化陶泉繼共道臨津有二天荆邑自唐
陶山廉訪
後稱神明者
明府一人耳

頻年落拓寄江東門第烏衣愧舊風薄宦不妨如畫
餅浮生無計任飄蓬寬容司馬稱方外眞覺斯民在
鏡中我是仲平心鐵石臨歧灑淚拜龐公

雨後同紀堂珍黃菊畦小亭暨午生

同午丙

生

同丙

遊梅園

別意兼遊興招尋趁好天流泉欲盡處山色青滿船

野客能吹笛閒僧解種田虛堂忘酷暑煮茗不談禪

二

童冠多佳趣溪山紀勝遊竹林偕小阮桃樹識前劉
朔風中客樓遲海上鷗鵠來同一醉流水送歸舟

寄題潘拙民茂才士淳古香山館遺藁後

回首蘇臺淚暗彈秋風送別憶河干十年契闊緣多
淺半世窮愁死向難杯酒更添知己恨詩篇眞作古
人看貧交賴得山林友爲校遺編到夜闌君繡梓其遺藁

黃梧厓文學中理偕楊蘭谷上舍敷黃春敷

布衣夢榮自徐舍來城送別集飲應彝深

柳堂賦詩贈行作此答之

毒熱阻歸計，朋知意轉深。
扁舟飄然至，延爽披胸襟。
昔我來荆溪，紅樹滿秋岑。
今去值炎夏，鳴蜩競綠陰。
草木易榮落，感此故人心。

蕭寺等空谷，忽喜足音登。
渴雲不作雨，赤日始可中。
忘年徵夙契，還論關鴻蒙。
授我篋中詩，展讀來清風。

行當過圯上，一尋黃石蹤。

時予補官下邳

流俗日以薄，古道竟難論。
二子尚氣節，師友誼獨敦。
大招悲宋玉，執業懷彭宣。
遺書爲世寶，髯也今猶存。
陳春圃經著書最富，沒後無子。
蘭谷春敷梓其遺書，時論多之。
拔劍爲君舞，冥冥白

日昏

午橋訪遺躅猶傳射虎鄉

應彝居午橋莊

古桂交美蔭共此

讀書堂贈我冰雪句令我興飛揚高談若醇酒一飲盡十觴明朝臨歧路但醉勿徬徨

食梨瓜

瓜與梨爭美嘉名合並論味能兼大谷種不自青門
沁齒冰同噉堆盤雪有痕香閨正愁絕一爲滌囂煩
小而純潔者名白小娘尤甘脆

贈梅谷菊畦昆季卽以畱別

竹林兩逸士卓犖不可羣秋水淨無滓春風蘭蕙芬

邦彥溯漑洽並美稱機雲葆真在自勉篤實拔風塵
甘雨霽南郊草木多欣欣躊躇思過訪別緒愁紛紜
津亭一回望孤帆隱斜曛

任鑒石上舍

俊

以墨蘭索詩

愛君縑素寫幽芳一種風期似故鄉記得澧沅春雨
後荷鋤歸去已斜陽

蘭山山色曉蒼蒼露葉風枝各自芳近日不聞空谷
歎蛟橋如草賣連筐

贈楊彭年

工製茗壺

陽羨有楊生家貧技最精世人皆逐利愛爾獨能名

故古尊彝鼎搏沙具性情蜀山三百戶列艇載餅罌